

BadgerCare + Kev Pab Them Nqi Kho Mob thiab Kev Rau Npe BADGERCARE + MEDICAL COVERAGE AND ENROLLMENT

Yam Uas Cov Hluas Uas Tau Nyob Nrog Niam Qhuav Txiv Qhuav Yav Dhau Los Yuav Tau Paub Hais Txog Qhov Kev Pab Kho Mob

Npaj Ua Ntej Rau Koj Cov Kev Xav Tau Hais Txog Kev Pab Kho Mob

*Thaum koj muaj hnub nyooq 18 xyooos los yog tshaj saud es tas qhov nyob nrog niam qhuav txiv lawm ces koj qhov kev pab them nqi kho mob kuj yuav tas mus tom qab pab lub hlis. Koj yuav muaj feem tau txais cov kev pab kho mob mus ntxiv yog hais tias koj rau npe rau ib qho kev pab cuam tshwj xeeb muaj lub npe hu ua **BadgerCare Plus**.*

Leej Twg Thiaj Muaj Feem Tau Txais Qhov Kev Pab Cuam No?

Cov Hluas Uas Muab Tso Nrog Niam Qhuav Txiv Qhuav Nyob Yav Dhau Los Uas:

- Muaj hnub nyooq 18 xyooos mus txog 26 xyooos;
- Tau ntawv xaaj los ntawm tsev hais plaub kom muab mus nyob tawm sab nraum lub tsev xws li: mus nyob muaj niam qhuav txiv qhuav pab tu, nyob muaj tus saib xyuas tau nyiaj pab, nyob nrog tus txheeb ze pab tu, nyob koom ua ib pab pawg, los yog nyob hauv ib qho chaw muaj tus pab tu thaum koj nto 18 xyooos lawm; thiab
- Tsis nyob hauv qhov kev pab-tawm-sab nraum lub tsev mus ntxiv lawm.

Yog Vim Li Cas Thiaj Yuav Tau Rau Npe?

- *Kom tau cov tshuaj, cov kev mus tshuaj mob, kev mus pw hauv tsev kho mob, kev kho mob kub ceev, kev pab tswv yim, cov kev kuaj sim mob thiab ntau yam ntxiv;*
- Kom tau kev pab them cov nqi kho mob.

Kuv Yuav Rau Npe Li Cas?

Koj mus ua ntawv thov tau koj tus kheej nyob rau ntawm lub chaw ua hauj lwm rau koj hauv zos uas yuav nrhiav tau ntawm no: <https://www.dhs.wisconsin.gov/forwardhealth/imagency/index.htm>, muab cov ntawv xa hauv tsev xa ntawv mus, los yog online nyob rau ntawm: <https://access.wisconsin.gov/>

Thaum koj ua ntawv thov, yuav qhia rau koj paub txog cov ntaub ntawv uas koj yuav tau muab xa mus rau tsev xa ntawv, los yog koj tus kheej nqa kiag mus rau ntawm lub chaw ua hauj lwm rau koj hauv zos. Thaum pom tias koj muaj feem tau txais kev pab rau BadgerCare Plus lawm, yuav muab ib cov ntawv xa tuaj rau koj los mus xaiv ib lub health maintenance organization (HMO). Ib lub HMO yog ib pab kws kho mob, chaw kuaj mob, thiab tsev kho mob uas ua hauj lwm ua ke los mus muab cov kev pab kho mob rau koj.

Thaum muaj npe tau txais kev pab lawm, koj yuav tau txais ib daim npav ForwardHealth kom tau muab rau koj tus kws kho mob thaum koj mus ntsib nws kho koj tus mob. Kom muaj npe nyob hauv qhov kev pab cuam mus ntxiv, koj yuav tsum ua ntawv rov qab thov dua txhua txhia 12 hlis. Koj yuav ua ntawv rov qav thov dua uas yog mus kiag koj tus kheej, ua ntawv xa mus, los yog online. Kom muaj npe nyob hauv qhov kev pab cuam mus ntxiv, koj yuav tsum qhia koj qhov chaw nyob ib xyooos twg ib zaug.

Tus Power of Attorney rau Kev Kho Mob

Thaum koj muaj hnub nyooq 18 xyooos lawm, koj tsis muaj ib tus neeg yuav los muab cov kev txiav txim siab hais txog txoj kev kho mob rau koj mus ntxiv lawm. Koj yog tus yuav muab tas nrho cov kev txiav txim siab rau koj.

Tab sis li cas los, koj kuj tso cai tau rau lwm tus los mus muab cov kev txiav txim siab tseem ceeb hais txog txoj kev kho mob rau koj thaum koj muaj ib tus mob hnyav lawm es txiav txim tsis tau koj tus kheej. Tus neeg no hu ua tus **Power of Attorney for Health Care**.

Koj muaj cuab kav txiav txim tau tias cov kev txiav txim siab twg yog cov uas koj tus Power of Attorney for Health Care tau lus tso cai txiav txim rau koj. Ib cov piv txwv ntawm cov kev txiav txim siab muaj xws li:

- Kev kho mob
- Kev phais mob
- Kev kho mob nyuaj siab puas hlwb
- Kev mus pw hauv tsev kho mob
- Kev muab ib yam khoom hauv nruab nrog cev pub rau lwm tus
- Kev siv cuab yeej pab cawm txoj sia

Daim Foos Power of Attorney for Healthcare

Muaj cov foos nyob ntawm Department of Health Services lub website:

<https://www.dhs.wisconsin.gov/forms/advdirectives/index.htm>

Muab ib daim luam rau koj tus kws kho mob thiab koj tus Power of Attorney, thiab nco ntsoov khaws ib daim cia rau koj.

Xaiv koj tus Power of Attorney for Healthcare

Koj tus neeg pab tswv yim rau koj no yuav tsum muaj hnuv nyoog tshaj 18 xyoos rov saud thiab yog ib tus uas koj ntseeg los mus muab cov kev txiav txim siab hais txog kev kho mob rau koj. Nug nws ua ntej. Yog nws kam, tab sis tom ntej mus ho hloov siab los, qhov ntawd tsis ua cas. Koj los yeej hloov siab tau ib yam thiab, ces mam ua lwm daim foos tshiab.

Yog Xav Paub Ntxiv

Koj tus Regional Independent Living Coordinator/Specialist yuav pab rau koj rau npe rau BadgerCare Plus, thiab teb cov lus uas koj muaj hais txog daim foos Power of Attorney.

Kom nriav tau seb koj tus
Independent Living Contact yog leej twg, mus rau ntawm:

<http://dcf.wisconsin.gov/map/il-r>

Lub Department of Children and Families yog ib lub chaw hauj lwm thiab chaw muab kev pab uas muaj vaj huam sib luag. Yog koj muaj ib qho tsis taus thiab xav tau kev pab, xav tau cov ntaub ntawv muab sau ua ib hom ntawv, los sis xav kom muab cov ntaub ntawv txhais ua lwm hom lus, thov hu rau (608) 266-8787. Cov neeg uas lag ntseg, hnov lus tsis zoo, dig muag los sis muaj ib qho tsis taus tshwj xeeb tuaj yeem siv tus xov tooj hu dawb Wisconsin Relay Service (WRS) – 711 hu mus rau lub chaw ua haujlwm.